

Cancelacion di e Festival Internacional di Teatro Aruba?

Desde aña 1976 ta ser organiza na Aruba, e asina yama "Festival Internacional di Teatro Aruba-FITA".

Gruponan di teatro procedente di tur region na mundo a yega di participa den e evento cultural grandi aki cu cada biaha tabata conta cu alrededor di 150 participante di exterior, kendenan semper a regresa nan pais cu recuerdonan excelente. Un variedad di obra di teatro tabata ser presenta anochi pa publico y durante oranan di mainta pa nos estudiantenan. E gastonan semper a ser cubri pa subsidio y aporte financiero di algun organizacion. Fundacion FUNDARTE den cuadro di Aña Nacional di Cultura a dicidi pa organiza e evento aki y na November 2007 a informa Gobierno cu e "Festival Internacional di Teatro" lo tuma lugar durante e dianan 1 te cu 4 di Oktober 2008. E evento cultural aki ta aparece riba e kalender cultural di Gobierno y tambe ta riba e website di ATA: aruba.com. Durante lunanan largo miembronan di Fundacion FUNDARTE (tur boluntarios) ta preparando pa e evento aki y a dirigi peticion na varios instancia na Aruba pa por ricibi e fondo necesario pa cubri e gastonan involvi. E gruponan di exterior tur ta paga na pasashi pa bin Aruba y tambe ta carga cu tur e gastonan di transporte pa loke nan tin mester pa por presenta nan obra. Nan tambe ta haci un sacrificio hopi biaha personal pa por bin Aruba, sin ta ricibi

ningun forma di pago pa nan presentacion. Tur ta presenta gratis pa publico y paschoolnan. Simplemente pa e amor pa teatro y pa e desaroyo di cultura en general. Gruponan di Aruba tin e oportunidad pa por intercambia di experiencia cu esnan di exterior, especialmente como cu Aruba como isla ta hopi isola. Iniciativanan particular ta hopi importante pa cuakier comunidad y cuakier gobierno lo mester stimula y apoya voluntarionan kendenan ta sacrifica nan tempo pa yuda desaroya y promove cultura den nan pais.

E realidad na Aruba sin embargo ta hopi amargo! Iniciativanan particular di voluntarionan ta ser obstaculiza pa reglanan cu Gobierno di Aruba a introduci desde 1 di Januari 2008, unda no ta considera si un evento ta comercial of cultural. Tampoco no ta mira e importancia cu hendenan ta sacrifica nan tempo pa organiza un evento cultural riba un nivel internacional pa Aruba. Den cierto forma, e hendenan aki ta completamente grandemente e tarea di un gobierno responsabel den un desaroyo sano di su pais. Den e "Festival Internacional di Teatro Aruba" lo a participa 8 grupo di exterior cu alrededor di 60 participante. Lo mester paga DIMAS un suma di fl. 165.= pa cada participante y tambe DIMAS mester duna permiso pa gruponan di cierto paisnan lo por drenta Aruba, manera e.o.

di Colombia, Sto. Domingo etc. Fundacion FUNDARTE cu hopi esfuerzo ta tratando pa haya fondo pa cubri e gastonan manera huur di Cas di Cultura, estadia pa e participantenan, transporte etc. etc. y cu ta un hecho cu nunca tin ningun forma di ganashi den e evento cultural aki, awor lo mester paga un suma di fl. 10.200.= (60 x fl. 165.=) na DIMAS y yena 60 formulario pa e participantenan lo por drenta Aruba pa presenta gratis pa e publico Arubano y nos hubentud escolar! Un peticion haci na e Minister encarga cu e asuntonan aki pa por ricibi

un excepcion riba esaki, no a haya oido y si nos Fundacion kier pa "FITA 2008" tuma lugar, anto mester paga fl. 10.200.= na DIMAS y yena tur e formularionan.

Con por ta posibel cu un fundacion lo mester paga un suma similar di fondonan cu e ta purba haya cu hopi esfuerzo.

Di unda lo mester saca un suma asina? Esaki ta forma di stimula cultura di un pais of ta un forma ideal pa demotiva tur voluntario kende lo kier a haci algo internacional cultural pa su pais? Aruba, unda bo ta bayendo?

Si acaso e Ministerio encarga cu DIMAS ta para riba cu lo mester paga e suma di fl. 10.200.=, e posibilidad ta grandi cu lo mester cancela e "Festival Internacional di Teatro Aruba", cu tur e consecuencianan cu esaki ta trece cune.

Salanan di Cas di Cultura ya ta reserva, kambenan pa estadia ya ta reserva, gruponan ya ta confirma y hopi asunto mas.

Gobierno ta hopi "fout bezig" y ta increibel cu instancianan no ta mira esaki!

Fundacion FUNDARTE
Leo Tromp, Presidente



MANCHITO'S
Manchito's tin tur cos pa e joncuman cu ta bay casa

Tin diferente style di smoking, likiliki, flus Europeo e.o. di Italia, Alemania, Francia y tambe di Hulanda. Tambe tin flusnan Americano di e mihor calidad di size 0 pa mucha te cu size 20 pa homber. Pa e bruid mas bonita nos tin shimis di Los Angeles. Tin camisa di size 2 pa mucha te cu 20; pa homber tambe tin camisa di size small te cu 7x large.

Fergusonstraat 69
Telefon/Fax: 582 2303

SOLO
Di Pueblo
**Pueblo a
haya
su pen bek**